

## Gipuzkoako Aldizkari Ofiziala

**214. zenbakia****Data 2012-11-09****94 orria**

---

**7 Udal Administrazioa**

ERRENTERRIAKO UDALA

**"Ezintasunak dituzten pertsonentzako aparkaleku txartela arautzen duen Udal Ordenantza"ren behin betiko onespena.**

---

ERRENTERRIAKO UDALA

Gizarte Zerbitzuak

Iragarkia

Udalbatzaren Plenoak 2012ko uztailaren 19an eginiko ohiko Osoko Bilkuran, «Ezintasunak dituzten pertsonentzako aparkaleku txartela arautzen duen udal ordenantza»ri hasierako onespena eman zion.

Aipatutako erabakia erakusketa publikoan jarri zen 30 laneguneko epez, iragarkia 151 zenbakiduna Gipuzkoako ALDIZKARI OFIZIALEAN 2012ko abuztuaren 8an argitaratu zelarik.

Erakusketa publiko aldia amaitu da eta epe horretan ez da erreklamazio edota iradokizunik aurkeztu. Beraz., apirilaren 2ko 7/1985 legea, Errejimen Lokaleko Oinarriak arautzen dituena, 49 in fine artikuluan adierazitakoarekin bat etorritz, orain arte behin-behinekoa zen onspenaren erabakia, behin betiko bihurtu da.

Eta orohar guztiek jakin dezaten eta eraginak izan ditzan argitaratzen dut. Era berean, jakinarazten da egintza honek administrazioaren bidea agortzen duela eta horren kontra administrazioarekiko auzi errekurtsioa aurkeztu ahal izango dela bi hilabeteko epean, iragarki hau Gipuzkoako Aldizkari Ofizialean argitaratu eta biharamunetik zenbatzen hasita. Halaber, egoki irizten diozun beste edozein errekurtsio aurkeztu ahal izango duzu.

Errenteria, 2012ko azaroaren 6a.—Alazne Korta Zulaika, Alkate ordea. (10387)

**EZINTASUNAK DITUZTEN PERTSONENTZAKO APARKALEKU TXARTELA ARAUTZEN DUEN UDAL ORDENANTZA****AURKIDEA**

Zergatien azalpena

Atariko titulua

I. Kapituluua. Xedapen Orokorrak

1. artikulua. Helburua

2. artikulua. Lurralde esparrua.

II. Kapituluua. Aparkaleku Txartelen Titularrak

3. artikulua. Aparkaleku txartelen titularrak.

Lehen titulua. -Aparkaleku txartela lortu, erabili eta funtzionatzeko prozedura.

I. Kapituluua. -Aparkaleku txartela lortu eta berritzeko prozedura.

4. artikulua. Aparkaleku txartela emateko prozedura

5. artikulua. Aparkaleku txartela berritzeko prozedura

II. Kapituluak. -Txartelaren ezaugarriak, erabilera baldintzak eta funtzionamendua

6. artikulua. Aparkaleku txartelaren ezaugarriak

7. artikulua. Erabilera baldintzak

8. artikulua. Funtzionamendua

Bigarren titulua. Erregimen zigortzailea

I. Kapituluak. -Arau haustek, zigorrak, badaezpadako neurriak eta erantzuleak

9. artikulua. Arau haustek

10. artikulua. Arau hauste motak

11. artikulua. Zigorrak

12. artikulua. Badaezpadako neurriak

13. artikulua. Arduradunak

II. Kapituluak. Prozedura.

14. artikulua. Zehapen-prozedura

Lehen xedapen gehigarria

Bigarren xedapen gehigarria

Xedapen indargabetzailea

Azken xedapena.

## ZERGATIEN AZALPENA

Elbarriak gizarteratzeko apirilaren 7ko 13/1982 Legeak, bere 60. artikuluan, espreski adierazten du Udalek neurri egokiak hartu behar dituztela mugitzeko arazo larriak dituzten elbarrien automobilak aparkatzeko erraztasunak emateko, hori kolektibo horren gizarteratzea eta lanbideratzea sustatzeko tresna egokia baita. Izan ere, dituzten mugikortasun arazoak direla eta garraio publikoak erabiltzeko garaian muga handiak dituzten pertsona askori esparru eta zerbitzu komunitarioetara sartzeko aukera ematen die, eta ibilgailu partikularrak erabilia modu autonomoan iristen dira esparru horietara, helmuga duten tokian txartelak aparkatzeko ematen dizkien abantailak baliatuta.

Europako Batasuneko kontseiluak, 1998ko ekainaren 4an, Estatu kideentzako gomendio bat onartu zuen ezintasunak dituzten pertsonentzako aparkaleku txartel bateratua ezartzeko, Estatu kideek elkarrekiko onarturiko eredu komunitario uniformearen arabera, txartel horien titularrek Europa osoan izan ditzaten haiekin loturiko aparkaleku erraztasunak, betiere pertsona jakin hori dagoen lurraldean indarrean dauden arau nazionalen arabera.

Gogoan izanik Kontseiluaren Ebazpenaren eta 1996ko abenduaren 20an Kontseiluaren barnean bilduriko Estatukideen

Gobernuen Ordezkarien izpirituaren arabera, ezintasunak dituzten pertsonen aukera berdintasunari begira, ezintasunak dituen pertsona orok izan behar du aukera bere lanbideratzea eta gizarteratzea bultzatzeko neurri gehigarri eta zehatzez gozatzeko.

Ekintza positiboko neurri horien barnean, abenduaren 4ko 20/1997 Legearen bidez, Euskadiko Irisgarritasuna Sustatzeko, botere publikoek betebeharra dute mugikortasun murriztua duten pertsonen ibilgailuek soilik erabiltzekoak diren aparkalekuen erreserba egiteko.

Euskal Autonomi Erkidegoak, aurreikuspen horiek betetzeko eta 5/1996 Legeak arau garapenaren eta gizarte zerbitzuen plangintzaren alorrean emaniko eskumenen arabera, abenduaren 5ean 256/2000 Dekretua eman zuen. 1. artikuluan jasotakoaren arabera, honako xede hau du dekretu horrek: «Ezintasunak dituzten pertsonentzako aparkaleku txartel bakarra arautzea eta eredu komunitarioa egokitzea», eta 6. artikuluan xedaturikoaren arabera, pertsona interesatua bizi den Udalaren egitekoa da txartel hori ematea eta Dekretu horretan arauturiko prozeduraren eta ereduaren arabera.

Euskal Autonomia Erkidegoko udalek emaniko txartel horiek, Euskal Autonomia Erkidegoko udalerrri guztietan, lurralde espainiar osoan eta Europako Batasuneko estatu kide guztietan izango dute balioa, udal komunitario horiek ibilgailuen antolamendu eta zirkulazioaren alorrean zehaztuta dituzten baldintzetan.

Ildo horretatik, Trafiko, Ibilgailuen Zirkulazio eta Bide Segurtasunaren inguruko Legearen Testu Artikulatua berritzen duen abenduaren 19ko 19/2001 Legearen Laugarren Xedapen Gehigarriak, martxoaren 2ko 339/1990 Errege Dekretu Legegilearen bidez onartua, zera xedatzen du:

«Udalerriek, arau horren 7. artikulua ematen dizkien eskumenak erabiliz eta apirilaren 7ko 13/1982 Legearen 60. artikulua xedaturikoaren arabera, Lege hori indarrean hasi eta hurrengo urtean, mugikortasun arazo larriak dituzten pertsona ezinduentzako aparkaleku txartela emateko eta lege horretatik etorritako eskubideak eraginkor izan daitezen beharreko neurriak hartu beharko dituzte, ezintasunak dituzten pertsonentzako aparkaleku txartela sortzearen inguruan Europako Batasuneko Kontseiluak emaniko Gomendioa kontuan harturik».

Errenteriako Udala, arazo horrekin aspaldidanik jabeturik, aparkaleku txartel horiek ematen ari zaizkie ezintasunak eta mugitzeko arazoak dituzten pertsoneri, araudiak zehaztutako ereduaren arabera.

Ordenantza honek legearen eskakizunak bete nahi ditu, indarrean dagoen legeriak, ezintasunak eta mugitzeko arazoak dituzten pertsonentzako aparkaleku txartelak eman, erabili eta funtzionatzearen inguruan, Udal Administrazioari ematen dizkion ahalmenak erabiliz.

## ATARIKO TITULUA

### 1. KAPITULUA. XEDAPEN OROKORRAK

#### 1. artikulua. Helburua.

Ordenantza honen xedea da ezintasunak dituzten pertsonentzako aparkaleku txartela emateko prozedura eta hura erabiltzeko eta funtzionatzeko baldintzak arautzea.

#### 2. artikulua. Lurralde esparrua.

Ezintasunak dituzten pertsonentzako aparkaleku txartelak Euskal Autonomia Erkidegoko udalerrri guztietan, lurralde espainiar osoan eta Europako Batasuneko estatu kide guztietan izango du balioa, eta txartelaren titularrari eskubidea emango dio erreserbatutako aparkalekuak erabiltzeko eta ibilgailuak gelditu eta aparkatzeko eskubide guztiak izateko, dauden lurraldeko udal komunitario horiek ibilgailuen antolamendu eta zirkulazioaren alorrean zehaztuta dituzten baldintzetan.

## II. KAPITULUA. -APARKALEKU TXARTELEN TITULARRAK

### 3. artikulua. Aparkaleku txartelen titularrak.

Errenteriako Udalak emaniko ezintasunak dituzten pertsonentzako aparkaleku txartelen titularrak izan daitezke, Errenterian erroldaturik egonik eta urritasun fisiko edo psikiko larriren bat izanik, Foru Aldundiaren balorazio eta Orientazio Unitatearen baieztatu diktamena lortu duten pertsona fisikoek, indarrean dagoen legerian zehaztutako balorazio irizpideen arabera.

## LEHEN TITULUA

### APARKALEKU TXARTELA LORTU, ERABILI ETA FUNTZIONATZEKO PROZEDURA

## I. KAPITULUA. -APARKALEKU TXARTELA LORTU ETA BERRITZEKO PROZEDURA

### 4. artikulua. Aparkaleku txartela emateko prozedura.

1. Espedientea pertsona interesdunak edo haren legezko ordezkariak eskatuta hasiko da. Eskuera Errenteriako Udaleko Erregistro Orokorrean aurkeztuko da.

Egiten diren eskaerek, azaroaren 26ko 30/1992 Herri Administrazioen Erregimen Juridikoaren eta Administrazio Prozedura Erkidearen Legearen 70. artikuluko xedaturikoaz gainera, ondorengo dokumentazioa bildu beharko dute:

— Nortasun Agiri Nazionalaren fotokopia.

— Minusbalotasun mailaren egiaztatze-ziurtagiria (Gipuzkoako Foru Aldundiko Gizarte Politika saileko txostena).

— Karnet tamainako 2 argazki.

Alkatetza edo zinegotzi ordezkariaren ebazpenez aurkeztu beharreko dokumentazioa aldatu ahal izango da, aldez aurretik Gizarte Zerbitzuak Sailaren aldeko txostena eman badu.

2. Espedientea hasteko eskabidea bete beharrekoak bete ezean, eskatzaileari eskatuko zaio 10 eguneko epean akatsa zuzen dezala edo nahitaezko agiriak aurkez ditzan, eta, era berean, ohartaraziko zaio ezen hori egin ezean, bere eskaerari uko egin diola ulertuko dela, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeko 71.1. eta 42.1. artikuluetan ezarri bezala.

3. Egindako eskaeraren erabakia aparkaleku txartelaren eskaera egiten denetik hasi eta 3 hileko epean jakinaraziko zaio interesdunari. Aipatu epean berriazko ebazpena emango ez balitz, ulertuko da eskaera onartua dagoela, hori guztia berriazko ebazpena emateko betebeharraren kalterik gabe, kasu guztietan hori berretsi beharko duena.

4. Udalak egokitzat hartzen dituen gailuak sartu ahal izango dizkio ematen duen txartelari hura jatorrizkoa dela ziurtatzeko eta egin daitezkeen legez kanpoko manipulazio edo kopiak baztertzeko. Era berean, aukera izango du txartelaren beharrezko irizten dituen datu osagarriak sartzeko, txartelaren erabilera egokia bermatzeko.

5. Udaltzaingoak egingo ditu aparkaleku txartelen erabileraren zaintza eta kontrol lanak.

## 5. artikulua. Aparkaleku txartela berritzeko prozedura.

1. Txartela 5 urtean behin berrituko da, haren titularraren ezintasunaren balorazioan gerta litezkeen aldaketen kalterik gabe, aldaketa horiek txartelaren indarraldiaren galera dakartenean, baita balorazio unitateek eginiko diktamenek txartela berrikusteko muga data 5 urtetik beherako epearekin ezartzen duten kasuan ere, kasu horretan aipaturiko diktamenean zehaztutako data hartuko baita kontuan.

Txartela berritzeko aurreko artikuluan aurreikusitako prozedura jarraituko da, eta aurreko txartelaren zenbaki bera duen txartela emango da. Berria eskuratzeko iraungitako txartela eman beharko da.

2. Interesdunak txartela iraungi baino 3 bat lehenago gutxienez aurkeztu behar du aparkaleku txartela berritzeko eskaera, aurrekoaren indarraldia bukatzean txartel berria eduki ahal izateko.

3. Txartela lapurtu edo galdu izanagatik berritzeko, dagokion salaketaren justifikazioa aurkeztu beharko du interesdunak. Hondatu izanagatik berri behar bada, hondatutako txartela aurkeztu beharko du, eta Udalak, kasu horietan guztietan, txartel berria emango dio aurrekoaren zenbaki berarekin eta iraungitze data berarekin.

4. Gipuzkoako Foru Aldundian eskumena duen Sailak emaniko txostenak behin betiko izaera duen kasuetan, interesdunak eskatuta hasiko da txartela berritzeko prozedura administratiboa beste diktamenik eskatu beharrik izan gabe, Udalak espreski halaxe eskatzen duen kasuetan izan ezik.

5. Udaltzaingoak edozein unetan beharrezkoa irizten duen dokumentazio osagarria edota informazioa eskatu ahal izango dio txartelaren titularrari.

## II. KAPITULUA. -TXARTELAREN EZAUGARRIAK, ERABILERA BALDINTZAK ETA FUNTZIONAMENDUA

### 6. artikulua. Aparkaleku txartelaren ezaugarriak.

Aparkaleku txartelaren ezaugarriak, abenduaren 5eko 256/2000 Dekretuaren I. Eranskinean zehaztutakoak dira, dekretu horrek arautzen baitu ezintasunak dituzten pertsonentzako aparkaleku txartela eta egokitzen baitu eredu komunitario uniformera.

Aipaturiko Dekretu horren 5. artikuluan xedaturikoaren arabera, Ezintasunak dituzten Pertsonentzako Aparkaleku Txartela doan egin eta emango dio Udalarari gizarte zerbitzuen alorrean eskumena duen Eusko Jaurlaritzako Sailak.

### 7. artikulua. Erabilera baldintzak.

1. Txartela pertsonala eta besterenezina da, ezintasuna duen pertsona izango da haren titularra eta soilik erabili ahal izango da titularrak, gidari gisa edo bidaiari gisa, haren jabetzako ibilgailuetan edo ezindua garraiatzeko erabiltzen den beste edozein ibilgailutan bidaiatzen duenean.

2. Aparkaleku txartela, jatorrizko dokumentua betiere, aurreko parabrisean jarriko da, ibilgailuaren kanpoaldetik haren gainaldea irakurtzeko moduan, eta kontrolerako erakutsiko da, eskumena duten agintaritzaren agenteek eskatzen badute.

Inolaz ere ezin izango dira aparkaleku txartelen kopiak erabili.

Aparkaleku txartelen kopiak erabiltzeak ez du inolako balio ofizialik izango, eta horrenbestez, ulertuko da, fotokopia horiek dituen ibilgailuak ez duela beharrekko baimenik, eta beraz, indarrean dagoen legeriaren arabera jardungo da

haren aurka.

3. Horretarako egokituriko lekuetan aparkatzeko balio izango du, baita aparkatzea debekatua dagoen lekuetan ere, behar duten denborarako, honako salbuespen hauekin:

— Oinezkoentzako eremuak, nasak edo espaloiak eta oinezkoentzako igarobideak.

— Gelditzea debekatua dagoen lekuak.

— Igarobideak edo larrialdiko irteerak oztopatzen diren lekuak.

— Zirkulazio erreiak murrizten dituzten esparruak.

Ordutegi mugatua duten aparkaleku eremuetan (TAO) aparkatzeari dagokionean, dagokion Ordenantzak xedaturikoa beteko da.

4. Ordenantza honetan aparkaleku txartelaren titularrak diren pertsonentzako zehaztutako eskubideak, Europako Batasuneko Kontseiluak 1998ko ekainaren 4an gomendaturiko 98/376/CE eredura egokitzen diren txarteletarako soilik onartuko dira.

5. Aparkaleku txartelaren titularraren betebeharra izango da hura garbitasun baldintza eta egoera egokietan eduki eta zaintzea, txartelean idatzitako datu espezifikoak uneoro garbi ikusi ahal izan daitezen.

6. oinarritzko daturen bat irakurtezina duten txartelak ez dira baliagarriak izango.

8. artikulua. Funtzionamendua.

1. Aparkaleku txartelaren titularrek Udalari jakinarazi beharko diote, gehienez ere hamabost eguneko epean, hura emateko arrazoi izan ziren inguruabarrak aldatzen badira, edo txartela galdu, lapurtu edo hondatu bada. Era berean, aparkaleku txartelaren titularraren hilez gero epe horren barnean jakinaraziko da.

2. Txartela galdu, lapurtu edo hondatzen bada, haren titularrei emaniko eskubideak ezin izango dira erabili berria egiten ez den bitartean.

Txartel berriaren eskaera Ordenantza honen 4. artikuluan xedaturikoaren arabera egingo da.

3. Iraungitako txartel oro baliogabea da ondorio guztietarako.

## II. TITULUA

### ERREGIMEN ZIGORTZAILEA

#### I. KAPITULUA. -ARAU HAUSTEAK, ZIGORRAK, BADAIEZPADAKO NEURRIAK ETA ERANTZULEAK

9. artikulua. Arau hausteak.

1. Arau hauste administratiboa izango da Ordenantza honek jasotzen dituen xedapenak ez betetzea eta bertan ezartzen diren debekuak urratzea.

2. Aplikatu beharreko berriazko araudi sektorialik izan ezean, Alkatetza -Lehendakaritzak edo hark aukeratutako Organoak zigortuko ditu Ordenantza honetan xedaturikoaren arau hausteak, Titulu honetan zehaztutakoaren arabera, legeriak ezarritako mugen barnean eta kasu bakoitzean egon daitezkeen erantzukizun penalei kalterik egin gabe.

3. Ibilgailuen aparkaleku erregimenaren inguruko arau hausteak, Trafiko, Ibilgailuen Zirkulazio eta Bide Segur-tasunaren inguruko Legearen Testu Artikulatua onartzen duen martxoaren 2ko 339/1990 Legegintzako Errege Dekretuan, Zirkulazio Araudi Orokorra onartzen duen azaroaren 21eko 1428/2003 Errege Dekretuan, eta Errenteriako

Trafikoko Udal Ordenantzan xedatutakoaren arabera zigortuko dira.

Aurreko araudian oinarriturik, ezintasunak dituzten pertsonentzako erreserbetan baimendu gabeko ibilgailuak aparkatuz gero, arau hauste horri dagokion zigorra jarriko da behar ez den lekuan aparkatzeagatik eta ibilgailua garabiak eraman eta izendatzen den tokian gordeko da.

Horretarako, baimendu gabeko ibilgailua izango da, aparkaleku txartelik ez duena nahiz aparkaleku txartel baliogabea duena edo txartela behar ez bezala erabili duena.

10. artikulua. Arau hauste motak.

1. Arau hausteak arinak, larriak eta oso larriak izango dira.

2. Arau hauste arinak dira Ordenantza honetan jasotako arauen aurka eginikoak, hurrengo ataletan larri edo oso larri gisa kalifikatzen ez direnean. Hain zuzen ere, honako hauek arau hauste arinak dira:

a) Ibilgailuaren kanpoaldetik txartel orijinalaren aurrealdea ez irakurtzeko moduan jartzea.

b) Aparkaleku txartel hondatua jartzea edo ezintasuna duten pertsonentzako aparkaleku txartelaren titularra nor den jakitea ezinezkoa edo zaila egiten duen txartela jartzea.

3. Arau hauste larriak dira Ordenantza honetan sailkaturiko jarrerak, honako hauekin loturikoak:

a) Aparkaleku txartela erabiltzea, ibilgailua iristean edo irtetean, titularra bertan ez dagoenean.

b) Jatorrizko aparkaleku txartelaren kopiak erabiltzea.

c) Udaltzaingoaren agenteekin ez kolaboratzea edo/eta txartelen zaintzarako beharreko egiaztapenak egiten ez uztea.

d) Udalarekin ez kolaboratzea, ikuskatze-lanak egiten ari dela, Udalak informazioa edo dokumentazio osagarria eskatzen dionean.

e) Iraungitako txartela erabiltzea.

4. Oso arau hauste larriak dira honako jarrera hauek:

a) Aparkaleku txartela, aparkaleku txartelaren titularra garraiatzen ez duen beste ibilgailu baten erabiltzaile edo jabeari uztea.

b) Txartel manipulatu, faltsutua, ezeztatua edo hildako pertsona batena erabiltzea.

c) Datu faltsuak edo okerrak nahita ematea aparkaleku edo erreserba berezien txartelen eskaeretan, txartel horiek emateko funtsezkoak direnean.

d) Txartela aldi baterako eteteko ebazpen irmoa betetzeko aparkaleku txartela ez entregatzea.

e) Ordenantza honen aurkako arau hausteak egiteagatik aldi baterako eten diren txartelak erabiltzea.

11. artikulua. Zigorrak.

1. Zigorrak jartzerakoan, arau haustea ekarri duen ekintzaren larritasunaren arabera izango da aplikaturiko

zigorra, eta aplikatu beharreko zigorraren maila zehazteko bereziki kontuan hartuko da nahita egin den edo arau haustearen errepikatu den, eragindako kalteen izaera eta berriz egitea, urte batean izaera bereko arau hauste bat baino gehiago izateagatik erabaki finkoaren bidez halaxe adierazi denean.

2. Arau hauste arinengatik 100 euro arteko isuna jarriko da, arau hauste larriengatik 101 – 200 euroko isuna jarriko da eta oso arau hauste larriengatik 201 – 500 euroko isuna jarriko da.
3. Arau hauste larrien kasuan, gainera, ezintasunak dituzten pertsonentzako aparkaleku txartela aldi baterako eteteko zigorra eman ahal izango da, gutxienez hiru hilabeterako eta gehienez sei hilabeterako.
4. Oso arau hauste larrien kasuan, gainera, ezintasunak dituzten pertsonentzako aparkaleku txartela aldi baterako eteteko zigorra eman ahal izango da, gutxienez sei hilabeterako eta gehienez urte baterako.
5. Oso arau hauste larriak errepikatzen badira, gainera, ezintasunak dituzten pertsonentzako aparkaleku txartela aldi baterako eteteko zigorra eman ahal izango da, gutxienez urte baterako, eta txartela ezin berritu izatea ere ekar lezake.
6. Aldi baterako eten diren txartelak erabiltzeak eta txartel horiek entregatzeari uko egiteak txartela ezin berritu izatea ekar lezake.

## 12. artikulua. Badaezpadako neurriak.

Trafikoa zaintzeko ardura duten agintari-agenteei berehala konfiskatu ahal izango dituzte faltsututa daudela egiaztatutako txartelak, jatorrikoen fotokopia manipulatutakoak, baliogabetuak, etenak, iraungiak edo hilik dauden titularrenak.

Egindako arau haustearen frogatzat hartuko dira horiek, eta tramitatu den espediente administratibo edo judizialari batuko zaizkio.

## 13. artikulua. Arduradunak.

Ordenantza honetan xedatutakoaren aurkako arau haustearen erantzukizuna arau haustearen egitatea egin duenarena izango da zuzenean.

## II. KAPITULUA. PROZEDURA

### 14. artikulua. Zehapen-prozedura.

Gai honetan zehapen-ahalmena gauzatzeko ezarrita dagoen legezko edo erregelamenduzko prozeduraren arabera ezarriko dira zigorrak.

### LEHEN XEDAPEN GEHIGARRIA

Udalerri honetan, ordenantza honek mugikortasun gutxitua dutenentzako ibilgailuak aparkatzeko titularrei aitortutako eskubideak izango dituzte nazio lurraldean bizi diren espainiarrek eta Europar Batasuneko gainerako Estatu kideetakoek, ezintasunak dituzten pertsonentzako aparkaleku txartelaren titular baldin badira, eredu komunitarioaren arabera, Europako Komunitateko estatu kideei emandako Gomendioan xedatutakoaren arabera, Europar Batasuneko Kontseiluak 1998ko ekainaren 4an onetsia baita, agintari eskudun bakoitzak egina.

### BIGARREN XEDAPEN GEHIGARRIA



## GIZARTE ZERBITZUETAKO ESTATISTIKAK

Eusko Jaurlaritzari dagokio, gizarte gaietan eskumena duen departamentuaren bitartez, gizarte zerbitzuen estatistikak planifikatu, koordinatu eta diseinatzeko zereginak gauzatzea, baita estatistika horien egin eta mantentze-lanak gauzatzeari ere.

Izaera Pertsonaleko Datuak Babesteko abenduaren 13ko 15/1999 Lege Organikoaren kalterik gabe, eta aurreko paragrafoan aurreikusitako helburuetarako, Errenteriako Udalak gizarte gaien alorrean eskumena duen Eusko Jaurlaritzaren departamentuari igorriko dizkio ezintasuna duten pertsonentzako aparkaleku txartelekin zerikusirik duten eta dagoeneko tramitatu dituen txartelen datu guztiak.

## XEDAPEN INDARGABETZAILEA

Arau honen maila bereko edo beheragoko araudi guztiak indargabetuta gelditzen dira, zehazki egun indarrean dagoen Errenteriako Trafikoko Ordenantza Orokorren 3. eranskinaren 17. artikulua.

## AZKEN XEDAPENA

Ordenantza hau Gipuzkoako ALDIZKARI OFIZIALEAN argitaratu eta handik hamabost egunera jarriko da indarrean.